

龜

巢

藁

三

卷一

卷二

卷三

卷四

卷五

卷六

卷七

卷八

龜巢藁卷之三

詩

養竹成大林

養竹成大林頻年竹生孫美竹非不多惡竹亦
已繁羣奴為洗之往哉聆我言美者慎勿傷惡
者必去根勿虞爾斧缺勿憚爾力煩宿莽蕪無
餘清風仍滿園

樹頭鴉鳴

樹頭鴉鳴鳴農人起芸苗問之爾何忙良田
驕去年耘較遲草蔓人力寡根莠非不除卒



以害吾稼吾聞農人語猛省天下事養虎常害
人玩寇亦如此

移家金檀尹干橋奉寄俞用中先生

辟地金壇縣懷人鉄甕城戰塵今滿眼憂國豈
忘情北固山無恙中濡水最清卜居何處好為
我主鷗盟

大父卒宋末葬烈塘之東墓松合抱者數百
株一旦為鄉豪伐去郡縣弗能禁愬之分
省亦莫敢誰何應芳痛憤于家形于夢寐

至正十六年二月廿六日也

當年掃松寒食朝紙錢挂之松樹腰今年無樹
堪挂紙冢頭挿竹風蕭、孤兒抱怨吞聲哭躑
躑歸來卧茅屋夜深忽夢蒼髯翁手足累創頭
髮秃告言淮襄荆楚間羣兇殺人連數年名門
世胄皆赤族梗楠豫章何足憐吾方欲問天下
事難鳴夢破心如醉髯翁恐是十八公天耶人
耶誰降凶

五噫歌

大明何為而翳兮噫大凶胡為而裂兮噫觸邪
之鴈角胡折兮噫祥麟在郊足亦則兮噫天乎
遺黎豈至是而底滅兮噫

憶兄

平生愛緇侶逃難亦與俱骨月不相顧安危竟
何如銅馬從南來殺人血成渠一炬灰萬室九
原植含珠懷哉鵲鵲原何時蓬華廬橫山絕高
處獨立眇愁予

三五七言

角蛇啼翼虎飛百年鳳雛環五色鵝雛飢盲風
怪雨已連月青天白日寧無時

歲莫獨歸

浩北風吹戰塵還鄉無復見鄉人四郊荒草
斜陽外一樹寒梅野水濱偶有新詩題甲子忽
驚初度過庚寅僧廬夜宿明朝別默念義蒿淚
滿巾

西膠山雪晴

寫呈無錫州尹遂蒙
罷吳家渡築城之役

一夜雪深二尺強石人墮指冰蚕僵猶喜金烏

兩翅凍不折天明飛出海上之扶桑老夫晨起
膠山下風景看來渾是畫連山萬頃玉為田隔
水數家銀作舍田中築城團義兵日高未飯飢
腸鳴黃泥凍地硬如鉄白柄短鉏鏗有聲不辭
受寒飢但恐虧工程將軍踏雪來點兵萬夫鵠
立顫且驚馬前壯士五色棒頭性命鴻毛輕
予生悔不習兵法雪夜擒吳書奏捷客欄抱膝
漫悲謔奈爾義兵寒苦何

丁亥歲旦徐達卿席上作

主人飲客椒花酒
笑語春風口角生
以雨忽晴
人共喜又聞周鄭欲尋盟

元夕寓田舍有感

憶得去年王正月
錢塘風雪正頻繁
馬周獨酌
新豐市韓愈三書
光範門喪亂不霑
新雨露飢寒
今憶舊田園
堠山西畔孤村裡
借屋篝燈過上元

贈錢夢弼

連雲第宅堠山西
喬木森森與屋齊
萬國熊羆

方血戰一林鳶鳳自幽栖東風池館春如畫長
日笙歌醉似泥吐酒錦茵容野客新年十日九
招攜

丹陽陳天倪及其弟剛中犇牛陳心遠等
諸羽士避兵洞庭山寄此代簡

洞庭林屋聚羣仙問訊曾逢賣摘舡湖上白魚
多滿尺山中朱果不論錢仙家大吠雲連屋澤
國龍吟月滿天辟穀有方煩寄我吾將多與世
人傳

陳大翁過堠山客舍情話連日追悼母氏

使應芳情見乎詞

翁名師可字伯大宋常川通判之子

外家親戚惟翁在相見猶能話阿婆
三夜客窓同寂寞兩年兵火各流離
可憐今雨窮途客誰識前朝郡倖兒
前世青瑣零落盡行囊留得數篇詩

寒食前聞鄉信口占

鄰舍驚呼避蝮蛇老妻嗔怒唾烏鴉
誰知昨夜三更雨又送春風一度花
寒食清明人上塚夕

陽芳草客思家愁來復遶青山去何處壚亭酒
可賒

訪孟伯堅周履道不遇

班馬文章駕並馳雲龍追逐去何之門前流水
垂楊柳屋上青山叫子規三月又逢修禊日一
觴還憶太平時可憐潦倒無家客滿目風塵兩
鬢絲

刺促行次履道韻

刺促何刺促江上秋風破茅屋誰憐杜少陵長

歌之哀甚于哭故山可望不可歸
髑髏臺高春草綠浮雲滓日竟誰洗
烈火連天勢難撲三農不復把犁鋤
風雨荷戈城上宿於乎人生有子作
征夫不如返哺林間烏

題春林雨意圖

前山後山雲氣濃欲雨不雨天無風
記得去年初夏裡此時紅過潏湖東

懷周履道六韵

平生多朋遊窮途見交態每歌杜
杜詩重念伐

水廢孰謂新相知情如舊親愛手書辱殷勤授
餐慰行邁老我無為執德心未艾秋風自搖落
松柏歲寒在

狗寨謠

往聞淮西軍食人狗亦有寨屯如軍是時江南
幸無事尚謂傳者言非真安知吾鄉今亦爾地
方百里皆荆榛三村兩村大成羣見人如見東
郭鬼跳踉大噉猛于虎坡陀高踞殺猪路旁
青草堆白骨天外飛鳶銜斲筋征夫早去胆欲

落冤鬼夜哭情難伸可憐性命葬饑腹往、多
是逐鄉民向來喪家狗絕食遺骸或與狐狸分
乘時為暴至若此、事千古同悲辛寢皮食肉
不可得張牙弄爪何由馴虞廷九官分厥職益
必掌火山澤焚犬乎犬乎胡不革爾心全爾身
主爾主鄰爾鄰搖尾乞食仍相親毋使犬若之
名天下聞

壽玉山人十六韻

黃梅雨歇南風清綠槐如雲陰滿庭胡髯雪白

雙眼明長日細字箋龍經有時忽着道士服騎
鶴三天奏符籙天上神仙知姓名人間富貴羞
馳逐翁年已耄何嬰鏢姮娥應授長生藥我來
避地方卜鄰翁與談天甚為樂酒邊却笑磻溪
翁吾年與同心不同鷹揚未若漁釣好周家自
有羣羆熊平生毛穎與親炙老去麴生尤莫逆
白鷗之盟君勿渝門外紅塵一千尺

八月十六日顛沛中見頤玉山蒙置酒嘉
樹軒相與劇談痛飲懽如平生且有來

夕草堂之約既醉而別賦此以贈

來往東吳三十年吳人多示好詩篇片言堂下
知駿蔑一笑樽前壽魯連嘉樹連雲秋不老桂
花如雪月仍圓烽烟已隔重湖水且為交懽理
素絃

留別顧玉山將往杭州卜居二十韻

垂白遭多難蒼黃走四方吳人今入貢越寇復
侵疆百戰山河破三邊草木荒軍容皆赫、徒
御亦揚、舉士思投筆農人習臂搶誰令紀綱